

SPORTSKI AUTO – MOTO SAVEZ BOSNE I HERCEGOVINE (SAMS BIH)

DODATAK OPŠTEM PRAVILNIKU O UTRKAMA UBRZANJA NA 402 METRA U SKLOPU ŠAMPIONATA BIH I OTVORENOG PRVENSTVA BIH – PRAVILNIK O NAGRADAMA –

OPSTE ODREDBE

Član 1.

Ovaj pravilnik služi kao dodatak Opštem Pravilniku o održavanju utrka ubrzanja na 402 metra u sklopu Šampionata Bosne i Hercegovine I Otvorenog Prvenstva Bosne I Hercegovine.

Član 2.

Ovim pravilnikom određuje se način nagrađivanja takmičara i klubova na dnevnim takmičenjima i na nivou Šampionata Bosne i Hercegovine/Otvorenog Prvenstva BiH u trkama ubrzanja na 402 metra .

USLOVI ZA OSTAVRIVANJE NAGRADE

Član 3.

Kako bi ostvario pravo na nagradu na dnevnom takmičenju, takmičar mora u potpunosti ispunjavati uslove propisane opštim i tehničkim pravilnikom.

Član 4.

Kako bi ostvario pravo na nagradu u sklopu Šampionata Bosne i Hercegovine/Otvorenog Prvenstva BiH u ukupnom poretku po klasama ili u generalnom poretku, takmičar mora ispunjavati sve uslove propisane opštim pravilnikom, tehničkim pravilnikom i dodatkom opštem pravilniku – pravilnik o bodovanju.

NAGRADE NA DNEVNOM TAKMIČENJU

Član 5.

Na dnevnom takmičenju u sklopu Šampionata BiH/Otvorenog Prvenstva BiH vozi se ukupno 10 klasa i jedno super finale.

3 prvoplasirana takmičara u svakoj klasi i u super finalu osvajaju pehare.

Član 6.

Novčane nagrade takmičarima isplaćuju se iz nagradnog fonda utrke.

6.1. Ukoliko nema dodatnih sredstava obezbijeđenih od strane organizatora, nagradni fond iznosi minimalno ukupni broj prijavljenih takmičara pomnožen sa iznosom startnine koju takmičari uplaćuju prilikom prijave na dnevnu utrku.

6.2. Pravo na novčanu nagradu ima pobjednik u svakoj klasi i u super finalu.

6.3 Takmičari koji nastupaju u okviru utrka za Šampionat BiH imaju pravo na nagrade koje će biti objavljene prije održavanja utrke na sastanku sa vozačima.

Član 7.

U zavisnosti od Klase u kojoj se takmiči u sklopu utrka za Otvoreno Prvenstvo BiH takmičar ima pravo na jednu od novčanih nagrada koje isplaćuje organizator iz fonda uplata po završetku takmičenja i prilikom svečanog proglašenja pobjednika na kraju dana.

7.1. Nagrade dobijaju i takmicari u klasama A1 i A2.

7.2. Posebni nagradu dobija i pobjednik SUPER FINALA.

Član 8.

Klubovi nemaju pravo na dnevne nagrade na osnovu plasmana takmičara.

NAGRADE U ŠAMPIONATU

Član 9.

Nagrade na osnovu plasmana u Šampionatu / Otvorenom Prvenstvu na nivou sezone mogu ostvariti takmičari iz Bosne i Hercegovine u klasama SP i P koje se boduju za Šampionat, a koji su ispunili uslove kako je navedeno u članu 4. ovog pravilnika i domaći i strani takmičari koji se boduju za Otvoreno Prvenstvo BiH a koji su ispunili uslove iz člana 4. ovog pravilnika.

Nagrade mogu osvojiti i klubovi na osnovu plasmana svojih takmičara kako je objašnjeno u pravilniku o bodovanju, te ekipe sponzora.

9.1. Takmičari mogu ostaviti pravo na nagrade i na osnovu plasmana u generalnom poretku.

Član 10.

Na osnovu plasmana na kraju sezone 3 prvoplasirana takmičara u svim predmetnim klasama ostvaruju pravo na pehare i prisustvo na svečanoj ceremoniji dodjele pehara i priznanja na kraju sezone u organizaciji krovnog saveza SAMS BIH.

(Važi kako za Šampionat BiH tako i za Otvoreno Prvenstvo BiH)

Član 11.

11.1 Prvoplasirani takmičari u Klasama SP1 do SP5 i P1 do P3 vezanim za Šampionat BiH stiču titulu 'Šampion Klase' u utrkama ubrzanja na 402 metra za sezonu 2013 u okviru Šampionata BiH.

11.2 Prvoplasirani takmičari u Klasama SP1 do SP5 i P1 do P3 vezanim za Otvoreno Prvenstvo BiH stiču titulu 'Prvak Klase' u utrkama ubrzanja na 402 metra za sezonu 2013 u okviru Otvorenog Prvenstva BiH.

Član 12.

12.1 Prvoplasirani takmičar u generalnom poretku Šampionata BiH stiče titulu '**Šampion Bosne i Hercegovine**' u utrkama ubrzanja na 402 metra za sezonu 2013.

12.2 Prvoplasirani takmičar u generalnom poretku Otvorenog Prvenstva BiH stiče titulu 'Pobjednik Otvorenog Prvenstva Bosne i Hercegovine' u utrkama ubrzanja na 402 metra za sezonu 2013.

Član 13.

3 prvoplasirana kluba na osnovu klubskog poretka također ostavruju pravo na pehare i prisustvo svečanoj ceremoniji dodjele pehara i priznanja na kraju sezone u organizaciji krovnog saveza SAMS BIH.

(važi i za Šampionat BiH i Otvoreno Prvenstvo BiH)

Član 14.

14.1. Prvoplasirani klub u Šampionatu BiH na kraju sezone stiče titulu 'Klubski Prvak Bosne i Hercegovine' u utrkama ubrzanja na 402 metra za sezonu 2013.

14.2. Prvoplasirani klub na Otvorenom Prvenstvu BiH na kraju sezone stiče titulu 'pobjednik klubskog takmičenja Otvorenog Prvenstva Bosne i Hercegovine' u utrkama ubrzanja na 402 metra za sezonu 2013.

Član 15.

Prvoplasirana ekipa sponzora na karaju sezone stiže titulu 'najbolja ekipa sponzora' u utrkama ubrzanja na 402 metra za sezonu 2013.

(važi samo za Šampionat BiH)

Član 16.

U slučaju da organizator Šampionata uspije obezbijediti novčana sredstva koja bi podijelio takmičarima i klubovima kao dodatnu nagradu za ostavreni plasman u sezoni, objavit će iznos svih nagrada najkasnije 30 dana prije druge utrke u Šampionatu za tekuću sezonu.

15.1. Objava će biti putem zvanične stanice Šampionata/Otvorenog Prvenstva. (www.402.ba)

ZAVRŠNE ODREDBE

Član 17.

Za odvijanje i realizaciju utrke mjerodavan je Opšti Pravilnik o održavanju utrka ubrzanja na 402 metra objavljen od strane organizatora Šampionata na službenim stranicama saveza I bihamk-a I stranicama organizatora www.402.ba.

Ovaj dodatak reguliše odredbe o nagradama za takmičare i klubove u sklopu Šampionata Bosne i Hercegovine u utrkama ubrzanja na 402 metra.

Svi takmičari su dužni poznavati odredbe Opšteg pravilnika i ovog dodatka opštem pravilniku i pridržavati se istih, a nepoznavanje odredaba Pravilnika može za sobom povući jednu od predviđenih sankcija.

Za tumačenje Pravilnika nadležan je Organizator Šampionata/Otvorenog Prvenstva.

Član 18.

Ovaj Pravilnik stupa na snagu danom donošenja.

U Sarajevu, 18.05.2014
SAMS BiH